


吳榮光集
人

21002
0542h



210237

扶桑鐘銘集卷之三

目錄

大和國部

佛隆寺

榮山寺

山上藏玉堂

宗延寺

河內國部

興禪寺

清園寺

和泉國部

小堂寺

萬松寺

攝津國部

平野權現宮 鶴滿寺 總持寺

大門寺 春明庵 大坂町中

普門寺 本泉寺 天滿寺

寒山寺 天性寺 栗東寺


長樂寺 大龍寺 常福寺

大德寺 法樂寺 鳳林寺

太平寺 青龍寺 全昌寺

西海寺 了福寺 慶瑞寺


光禪寺 中勝寺 蔭涼寺



銘集卷之三 畿內部

和州室生山佛隆寺鐘銘

平安 岡崎信好師古



覺王權出 轉化衆生 圓教妙法 覺悟迷情 沙門堅惠

頂戴妙慈 心腑雕鏤 四安樂行 靈山遠教 近付圓形

萬里求法 無還俗憂 仙橋花頂 遇而皆遊 日唐兩國

付屬領收 生長忍土 受遺靈臺 有為緣盡 無漏軒迴

真遊已遠 世路徒哀 強望不朽 式慰將來 仁壽二歲

月在夏中 自書自撰 虔建佛隆 持釋迦教 期三會衆

龍花未發 莫墜遺風 以此功德 同及四恩 決無明暝

瞻仰世尊 悠々三界 蠢々四塊 刀輪永息 早出苦門

貞觀五年九月十一日

都維那師 僧觀濟 寺主都維那僧觀教

權寺主都維那僧法朝 別當都維那僧仲盛

檢校威儀師 僧明俊

○和州宇智郡小嶋村榮山寺 山城國深州里道澄寺鐘今在于此

深草道澄寺鐘銘

道澄寺者後三位守大納言兼右近衛大將行皇太子傳藤原朝臣
參議左大辨後四位上兼行勘解由長官播磨權守橘朝臣為報四
恩濟六趣合誠戮力所建立也堂宇比慶南北輪奐尊像接座前後

踟躕兩相公宿植香火之緣生為瓜葛之戚非唯現世結契潤之情
亦欲淨刹共安養之樂故各取其名首字以為此寺額題所以貽本
緣於來代期同志於佗生也藤原相爰命是匠乃鑄鳴鐘且將令長
夜昏迷聞妙聲而知曉苦海沉溺驚梵叫而通津

延喜十七年十一月三日銘之其詞云

倅師施治 善提催緣 虛受必應 響高自傳 後夕至曉
出定入禪 傍唱眾聖 遙警大仙 法喜增感 邪夢驚眠
通阿鼻獄 達有頂夫 劫數億萬 世界三千 一音利益
無限無邊

○和州大峯山上藏主堂 有鐘即在堂側所雕如左

遠江國佐野郡原田庄長福寺

天慶六年七月二日

○和州宗延寺鐘銘并序

元政

曩昔拘留孫佛造青石鐘挂脩多羅院之中于時諸化佛出現乎鐘上而演說十二部經聞法獲果者不可勝數矣南唐先主冥中告人曰吾以殺罪受縲械唯每聞鐘聲其苦暫息矣汝歸白嗣君為吾造鐘其人適穌且聞後主因造一大鐘於清涼寺永薦冥福焉原始要終其所由來者漸矣和州宗延寺未有鐘也今之任持日幹律師自發志願唱之諸檀度從而和者若干人今茲戊戌之秋已獲銅鉄之資于橐于囊哉用來于洛陽驅飛廉招祝融孟冬之杪鐘既成矣於

是索余乎銘銘曰

惟茲大器 奚怪晚成 洪纖相應 品物咸亨 清涼拔苦

多羅演經 無量佛事 總在此聲

○河内州八幡山興禪寺鐘銘 巳山

河内州錦部郡三日市村赤坂上宮八幡山興禪寺古稱補陀洛山神宮寺又呼大乘院因是而見則古來奉安觀音瑞像兼祭上宮神為山鎮守或顯或密修大乘教底人師身在此教院供佛祭神之場而上宮神以神護景雲元年鎮坐此山示開闢跡成錦郡總社有記在于古神輿之一面而山中有蓮華池池內有辨天島護法之所寄可觀矣泉州蔭涼寺開祖鐵心和尚所度今之任持養惠禪師始

寓興禪改教為禪唱新豐宗要中任攝城鳳林寺董轄寺司事後又
歸興禪漸漸立造修之大功終成中興第一祖當其立功之際松田
志摩守貞直三田善次郎守正中與忠左衛門尉昌興三輪彥助伴
寬及泉州堺鄉西權右衛門正長各各喜捨淨財并禪師之先祖族
姓類中相議寄祠堂無盡財乃至三日市片添新町石佛清水等五
村善男善女從來以上宮為生土神故喜堂社再興隨分出隻手都
盧折合今既圓成則人人福壽增長家家善種培養其不可思議之
大利益又誰不讚歎乎而今更募諸善信辦備費用今茲五月五日
命本州上田村冶工田中淨貞宗久開大爐鑄新鑄鴻鐘鐘徑三尺
其長五尺脫範高麓時時敲動音聞啓發其功多也非筆所盡遠馳

專使乞老衲之撰銘語垂偉德於後世不能固辭為之吐心銘曰

錦郡五村 同倚八幡 禪叢重起 神浴靈源 梵鐘出範

垂號晨昏 鑽無變壑 徹乾徹坤 養愚養魯 至道苞苞

卓此音韻 長鳴後見

○河內州天王山清圓禪寺鐘銘 卍山

河內州小山鄉天王山清圓禪寺者松原寺法雲龍澤大居士中興
仁祠而修造大功任持圓鑿長老所成也這回大居士嗣子土州大
守藤原氏忠章賢君弃捐淨財陶鑄洪鐘以誠朝暮以鳴佛事為令
女寶珠院圓光妙照大姊資助冥福莊嚴報地者也因乞銘於老衲
為之銘曰

天王社右 鐘鎮禪關 圓應妙應 大山小山 吼霜吼月
破開破開 幽明齊利 存亡共頌 發省教體 喚醒癡頑
佛德神德 音聞無間

○泉州泉州郡慈雲山小堂寺

善法寺鐘銘 并序。此鐘今在子茲。

善法寺者始祖參議宮內卿三善清行朝臣所創也。謂像則十
一面之月輪計薰修則三百載之星序弘誓湛海功德障者。欵是以
專疑五內之棘誠忽鑄一口之神生何謂豐霜之韻豈非發露之力
哉于時

建長三歲次辛亥夏四月辛卯朔十八日戊申

正四位下行修理權大夫兼算博士美濃守雅衡迺作銘曰
大聖信鼓 息匠功成 暗夫聽微 長夜夢驚 虛受必應
秋分自鳴 脫苦六趣 靈慈群生

○泉州萬松寺鐘銘

高泉

泉郡之地 有太神宮 中有蘭若 厥號萬松 地靈境勝
神氣所鍾 茲有除鐘 幻寓其中 思行利濟 不憚已躬
徧募檀信 全造洪鐘 晨考夕擊 聲徹蒼穹 聞及冥界
息苦開蒙 聞塵清淨 全証圓通 惟功惟德 與鐘無窮

○攝州平野權現宮鐘銘

松永昌三

昔聖誥以樂節八節金仙氏亦以鐘警六時其事雖異功用則一揆也由是本朝于招提于廟社靡不懸備之也梵場之木鐸神壇之偉器也不可一日無也粵攝州任吉郡平野權現廟兒儼然旺化炳焉昔年罹國殃失奠簾之設也久矣實闕典也平野氏正次依為父母之國生墜之宗社勵翼於社物神供之不完整往歲有志于新鑄匱備火官金工而鎔範已成蒲牢未吼命迫崦嵫惜哉其弟暨令嗣訖功施之樓上永期洪响於億萬年共仰德音於千百世者也銘曰

鳧雉設範 支竺齊鳴 緇素崇用 神人和平 宮檀盡善 笏廣始營 和光影直 妙音响鉤 六時以警 四衆自驚 上慰神聽 下覺群生 昏睡頓寤 聰悟立成 晨誦先送

夕梵後迎 靈祇示瑞 巫祝竭誠 飛霜徹節 震雷為裏 洋溢沙界 開鮓蠢萌 聖作賢述 神亨魔頓 異方開續 智月竝明 昔救夙苦 今期安樂 高仰鑑照 遠傳鐘聲

○攝州西成郡長柵村鶴滿寺

古鐘 此鐘今存于茲

天平十年二月

金銅入三百斤長二尺四寸

長門州原東郡宇部鄉松江山普濟禪寺

聞鐘聲 煩惱輕 智慧長 菩提生
離地獄 出火坑 願成佛 度眾生

皇風永扇帝道遐昌佛日增輝法輪常轉天下太平四海靜謐專祈
諸大檀那信力弘堅善根增長二世願望一切圓成次冀山門鎮靜
海衆咸安修行有度進道無魔般若智以現前菩提心而不退四恩
總報三有徧資法界含情同圓種智
永和五年己未仲呂日

○攝州總持寺鐘銘

藤原公利

粵若祖父越前守藤原朝臣帰心於普門妙智傾首於無礙大悲而
墜露溘然閃電倏尔納言尊考軫先業之不遂歎善因之未成多以
黃金附入唐使大賀御井買得白檀香木造千手觀音菩薩像一軀
仍建道場於攝津國島下郡安置此像号曰總持寺於是第二男備

前權介公利鑄豐鐘一口于時

延喜十二年夏四月八日為銘曰

命大鑪冶 施倅師工 鳴鐘協律 鳧乳應宮 聲徹霄漢

響口晚風 感動隨聽 懺悔生夢 儆告諸佛 唱導大衆

雖遠必達 無幽不通 悲想慧下 阿鼻獄中 長夜知曉

妄有帰空 觀音依頌 先公善功 俱滿三界 枝出焚籃

○攝州太門山寺鐘銘

泊如

夫物理窮則變變則通通則久是以自天祐之吉无不利是格言也
以攝州嶋下郡太門山寺當時者堂宇宏麗規制中範徒衆昌蕃之
地也然烏兔荏苒經數百年及失正法聿劫掠寺門毀壞堂塔焚佛

像經卷什物多為灰燼咨嗟丁此時也窮太甚矣爾後上都神泉苑
上人快我傷陳跡之永滅絕披廢趾之已荒莽雖未復昔年之輪奐
而尚建三密瑜伽法幢持誦之勤無復廢弛而上人晚以此寺附周
純阿闍梨住此者十稔于今勵志脩興每嘆曰目巧之室必有與作
今我寺無鐘聲之報時是室而無與者乎可恨之甚也願鎔鑄以為
利生之方便絲茲適今果傾倒餘長而多半之大願一日即就焉歛
惟梵鐘也者伽藍之要器般若之標幟也故聽者得正念增長至若
獄卒息鑊湯叱主免劍輪者又苦海之舟楫也善哉大門今與作備
焉功績丕矣哉是豈不庶幾於所謂通者乎可以悠久可以俟天之
福祐而已鐘成請余記不得固辭乃為銘曰

大門故刹 山深泉清 經會昌禱 欠聳嶺鳴 披山願力
洪鐘新成 智諒斯掘 提婆重聲 怒動林震 曉猿應鶩
四上時促 三業益瑩 律方兩重 韻逐風輕 旅客朝送
寺僧暮迎 息苦三下 破夢五更 惟功惟德 願及群生

寬永壬午之歲春三月十八日

○攝州西成郡北中嶋春明菴鐘銘

攝州西成郡北中嶋淡路庄之長國次氏茂宗衛重由當先考得岩
永賢居士七周忌之辰鑄華鯨一口以置後園神祠前春明菴請銘
於余夫鐘者拔冥府之苦患破現今之昏沉報村民起卧之節知茲
客行止之時其功德古來人之所知也銘曰

近到人家遠客船 華鯨高吼五更天 喚醒一切塵勞夢
驚起衆生煩惱眠 韻韻破魔宮八万 聲聲徹佛國三千
縱然劫石有消日 是此洪音無盡年
寬永己卯九月望

前花園現松嶋雲居老松希膺操毫於春明庵中

○攝州大坂町中鐘銘

是歲甲戌之秋以 源左大臣鈞命被蠲當地市壓永代欽租是禾
下寬裕之基也人皆抃野展喜悅之眉故依衆評使梶氏新鑄鳴鐘
矣曙雲橫東嶺朝撞之祝延皇帝萬歲皎月懸西山夕擊之祈誓賢
君千斯古亦有慶餘則勒金石銘彝鼎而歡有太平道矣蓋夫無貴

無賤聽鐘聲者忽降睡魔速破羣疑者也

鎔金鍊玉 不費鉗鉗 華鯨形作 晨昏鼓之 將軍大樹
風不鳴枝 國家父母 万民蒙慈 仁者有勇 大明無私
清平世界 永護丹墀 百八之聲響 通天神地祇
劫石有消日 洪音無盡時
寬永十一 馬逢關茂季秋六日

願主町中一結衆等 右工藤原家次
野釋龍巖雙書

○攝州富田慈雲山普門禪寺鐘銘

天地為鑪 偶鑄尔形 威音為父 強安爾名 不假雕琢

一火則成 靡寂靡響 應叩則鳴 昏昏夢覺 蠢蠢皆醒

禪林禮樂 必也中興 無量妙義 盡在此聲

明曆元年乙未孟冬吉日

臨濟三十二世黃檗山隱元琦謹書

○授州本泉寺鐘銘

授津州西成郡天滿境本泉寺者本願寺附庸之道場也居僧說其由云始在于加賀州親薦聖人七世的孫存如上人令子蓮如上人弟乘如法師所創建也數年之後廢壞而跡既絕矣其的裔教慧法師繼絕興廢相攸於斯地慶長年中新營梵刹矣境致雖異系譜相承堂宇雖新風規復舊今來門廡井竈俱備矣斯地之為勝也

東對金城巍巍而高南帶淀川混混之流要津处处般若橋橫箇箇弘誓船浮可謂靈區矣方今任持宣惠法師徧勸檀越新模華鐘架之高樓以為警衆之具其志深矣既而請予為之銘夫鐘者蘭若之引令也曉擊則破長夜警睡眠暮擊則覺昏衢疏冥昧引杵互緩揚聲欲長昔年梵主下鑄金鐘於祇陀寺拘留孫造石鐘於脩多羅院於是諸佛出興說法且經傳載屬寶王聞鐘逃斂輪苦南唐主脫縲械若其妙用不可勝記焉仍願十方檀那累代孫子永與此鐘共至于無窮也銘曰

真宗蘭若 号曰本泉 殿堂高築 門廡相連 新鑄九乳 甬衡共全 緩引一杵 呂律不偏 朝催僧粥 暮送客船

露結霜降，地靈月鮮。可擬豐嶺，如移竺乾。警煩惱睡，起寂滅緣。聲限百八，響徹大千。讚此功德，祈億方年。

寬文二年壬寅秋九月吉辰 治土和田信濃掃藤原國次

洛東山建仁茂源叟紹栢書

○攝州菅原山天滿寺鐘銘

天滿寺銅鐘者本播州姫路城中之漏鐘也城主和州太守松平某公移封之日委置銅鐘於坂城下館舍庫中檀信某等登其無用捨貲贖之而納之天滿寺以為伽藍之寶器素無銘紀焉主席藏海僧都託蓮臺俊師索銘予予老耄衰落辭以廢筆研而力索不已乃為之銘曰

一口華鐘兮	靈頑不同兮	舍諸街市兮	惟固種銅
用諸精舍兮	惟靈熙隆兮	而震地府兮	聳動天宮
顯警昏睡兮	幽息劍鋒兮	形標波若兮	德歸圓通
昔廟歆亨兮	神威益崇兮	檀家贊喜兮	考寧無窮
福被海內兮	歲登民豐兮	以至胡蝶兮	等脫樊籠
寺主海公兮	悃索勤功兮	瑞應隱叟兮	粵綴雕蟲

元祿五稞龍舍壬申秋九月今日

瑞應七十九翁泊如運敵鐵銘

○攝州西成郡天滿鄉松雲峰寒山寺鐘銘 井序

夫鐘音之器也音法之興也器以鍾音興以通法所以撈獲會上破

阿難大衆之妄計，戒場院內，非惡趣羣類之宿命，至若喚醒永夜之
眠，啓開衆生之蒙者，無不由此也。蓋吾山自昇建而降所，且有者，殆
備焉。但欠鉅鐘一器耳。余以之介意久矣。適與一居士譚玄旨之次，
謂曰：夫支那姑蘓之寒山寺，因鳴鐘而聲重於禪林中。吾寺亦同稱
於彼刹，而味及造鐘者，豈不願與乎居士莞爾曰：師言實然。某願欲
造鐘，與樓以資父母及含靈之冥福。可乎？余曰：吁，善哉！居士而今新
鑄斯鐘，復懸之高樓，而晨鳴夕吼，鏗鏘然則姑蘇與難波不礙方域，
而聳入天龍鬼聽之。豈不愉然耶？雖然，大圓覺海無異同，孰能分別
支來形相，若區區致泥於名跡之間，亦惑矣。必也因聲而生悟，因悟
以入道，庶幾無孤於斯鐘樓之建也。與一居士誓首而退，乃招息氏

聚翰子樓鐘不日而潰于成矣居士為誰也余檀信姓森本法号真
翁圓心者也山僧謚銘於其功我迺銘曰

三界衆生兮 夢裡忽忽 警之以言兮 言必有窮

示之以默兮 默或不通 資汝者擊兮 克開其蒙

驚昏策急兮 匡吾口衆 姑蘇吼月兮 難波喚風

稱支唱桑兮 聲價是同 應宮應商兮 鏗徹蒼穹

攝津破眠兮 冥府摧鋒 聞所聞盡兮 真心圓融

海無極壽兮 鎮吾松峯 皇風佛德兮 億年呼嵩

元祿十六歲舍癸未仲冬二十二天救大祥日

臨濟正傳三十五世前住正法當山三世大烹圓定手書

○攝州浪華當麻山天性寺鐘銘

攝江之隈 龍仙之臺 蒲牢一擊 摩接四來 披彼輪苦

幽顯忽開 維法維利 興隆偉哉

寶曆三龍集癸酉三月佛日 圓蓮社純譽松山謹誌

○攝州坂府天滿鄉寶珠山栗東禪寺鐘銘

其質頑鈍 厥音鏗鏘 德超諸物 響通十方 紛夢昏覺

火宅晨涼 施心空寂 挂傳無疆

室曆八年星纏戊寅冬十一月 現住揚山叟天苗謹銘

○攝州長樂寺鐘銘 惟肖

攝州貴志庄萬松山長樂禪寺本有樓鐘年久破缺大為闕典寺者

宿永性傾儲圖再作之偶有以巨鑄於貨者輒與二十又三緡獲

之簾而懸焉朝夕扣擊策怠啟昏善利豈易測也哉刻銘示後銘曰

言或有窮 嘿亦不通 資以演法 惟鐘偃功 靡然其量

靡爾其中 巨撞一發 鯨吼天風 廷停響止 聞性又空

非聞非寂 六戶融融 弗勞冶鑄 今善其逢 貨而取之

是性之庸 吁萬斯年 或此聲容

○攝州摩尼山大龍寺鐘銘 泊如

摩尼山大龍寺者如意輪觀自在菩薩示迹之靈場也昔 稱德

帝神護景雲二年亞相清麻呂公初建之延曆二十三年弘法大師

將入唐求法特乞加衛于斯像大同元年東旋再至禮像且駐錫修

法于此山故人呼為再山云貞享丙寅之春山主賢正律師募有緣
之檀捨而造銅鐘一口介狩野居翁索予銘敦請不已此地自神護
景雲而迄于今向一千半其間隆污數四感通不一焉黃檗高泉禪
師嚮住佛國之日嘗作記述其槩略故今此不贅矣迺為之銘曰

娑婆教兮體惟音 音從耳兮耳從心 音之器兮莫先金

鍾錙銖兮鍊銀錫 華鯨幻兮出範模 震山窟兮報曉晡

徹阿鼻兮息炎熾 福無窮兮德溥被 覆四生兮圓一利

○攝州清光山常福寺鐘銘

高泉

豐島之郡有寶坊 厥名常福山清光 行基上士德所彰

竟蒙帝澤錫圭章 歷今倒指數百霜 山林卉木尚輝煌

天和二禩有僧郎 秀順了時志摩茲 重範蒲牢架寺央

昕夕考擊聲鏗鏗 或滄或顯悉嘉慶 直至菩提卒不忘

藉此良因被萬方 四恩三有證真常 我作銘詩勒其傍

願同洪韻通無疆

○攝州吉祥山大德禪寺鐘銘 一杲

攝水之北有室坊 厥名德人山吉祥 水繞山環地最勝

躋哉太士現慈光 茲有主盟號了翁 力修六度願何剛

一旦能捐衣鉢資 整飾梵宮第丁方 新命龜氏範鉅鏞

晨昏考擊祝虞唐 豈啻名譽永傳世 普利羣迷躋管場

人天均證圓通旨 祖道綿綿添運昌

○攝州紫雲山法樂律寺鐘銘

寺在於攝之住吉郡南田邊村蓋小松內大臣平重盛公所創於治
兼二年經代之久寺宇廢矣延寶年間洪善照律師來往此地以中
興為己任逮乎頃載營造功全其軌模雄偉猶如降移釋梵之宮有
來瞻者莫不稱嘆嗚呼正當救世成此大功非福慧兼具曷能爾耶
今茲大坂農人橋檀越松尾知信之女榮順與貞松照運共捨貲新
鑄銅鐘就本寺造樓懸之不專利己誓欲普濟其志可佳也原夫無
有一佛不以音聲而化群品無有一機不從耳根而教解悟如鳴鐘
者以音聲作佛事斯則十方集和之信九界解脫之明可以祝國扶
宗可以利冥濟顯凡聞者能不為聲所轉返聞省其性則教體不謬

圓通可證矣律師屬予銘銘曰

何者至寶	僧之為體	和合惟崇	十方集會	信在乎鐘
况厥功德	實難思量	剛慧業滅	叙輪苦亡	新鑄此器
以壯福田	增耀佛日	况覺覺人	夕吼池月	曉鳴山雲
音響所及	警動迷途	迷悟無實	凡聖一心	返聞證性
個個觀音				

享保戊戌仲春穀日

沙門甚意惠淑

○攝州鳳林寺鐘銘

巴山

攝城最乘山鳳林寺主萬源燈公嘗鑄大鐘結制鳴法屈指則已卜
年其鐘未刻銘蓋似有待而今求音聞證用於老衲其意懇懇不得

飾讓信口吐臭以為之銘銘曰

浪華巨刹 最乘山中 唱正偏秘 建精進幢 源提萬派
燈照諸叢 熾陰陽炭 化牝牡銅 捧蒲牢鈕 挂法界宮
風起雲起 驚虎驚龍 朝打暮打 破頑破蒙 達磨禮樂
觀音圓通 是誰啟發 此大口翁

○攝州太平寺鐘銘

瀨津之城南浪華之那畔護國山中太平禪刹今之任持大休密公
數年以來修造功畢今將結冬安居嘉會以集叅玄衆以演大法義
於是石州那賀郡井村三浦氏忠兵衛法名覺了本醒同治右衛門
法名碧峰宗潭同五右衛門室齊藤氏法名戒順慈光各寄淨財若

于助法會之費用密公深感其施心乃轉其財範鑄梵鐘并作樓
之既而乞銘於老衲為把隨喜筆以銘緣起云銘曰

銅之在山 與石同頑 百鍊千鍛 位金銀間 爐鞴變化
鯨吼禪關 音聞塵夢 施心破慳 太平基業 法運循環
功德不朽 長鳴海峽

○攝州西芳山青龍寺鐘銘

攝州有馬郡福鳥村西芳山青龍寺者村人傳說夢窻國師拈拄古
跡山中有湘南潭北等境皆國師所名而一廢之後寒巖遠孫覺雄
的公垂中興統唱洞上正偏法既而月堂圓公能繼其緒新其棟宇
置其莊田今之住山拙堂長老移山裏瑠璃堂於寺右邊為小禪堂

時時修禪於其中於是檀信某者新鑄寶鐘以挂堂畔長老特來乞銘於老衲因說一偈以為銘曰

湘南潭北擁青龍
中有黃金鑄寶鐘
敲動瑠璃堂上月
傳聲無影樹頭風

○攝州尼崎全昌寺鐘銘

攝州武庫山下大長氏武右衛門拾貳鐘挂尼崎桃源山全昌禪寺任持江山龍公乞銘作偈為銘

鐘施號令古叢林
禪誦助功功甚淡
不許滾波入江去
長留樓上發鯨音

○攝州法龍山西海寺鐘銘

攝州東生郡東高津法龍山西海禪寺西黃檗七代悅山老和尚開山之所聚集龍象之場徧募諸方檀信鑄成鉦鐘一口永為山門大寶祝國庇民之器破除六道一切煩惱傳傳後裔而第二代祖溪能和尚第三代泰峯崇和尚豈料至於第四代不貴禮樂之徒滅壞鐘鼓法器無存賴有智觀戒和尚乃開山真孫常行古德之行丙申年十月十四日衆人特請當山住持是以不應惟願退已讓入是年十月念八日轉請本師祖春回和尚為中興主席智觀和尚權監院之職及其本師退隱之後寺衆竭力共伸隻手募鑄華鯨挽回厥音朝暮擊動獄王減刑閻浮夢醒其功大焉其德無窮命余作銘并序於悅老和尚之後奉和原韻銘曰

撥轉法輪兮 春回梵宮 重懸錦簾兮 振起法幢
海衆雲集兮 佛日永隆 住持竭力兮 道德高崇
信士施財兮 福滙其中 法門鉅器兮 獨此洪鏞
祝國庇民兮 長扇堯風 晨昏扣擊兮 警醒迷蒙
欲度衆生兮 證入圓通 長鎮山門兮 顯其大功
重銘重勒兮 厥音無窮

癸丑歲十月吉日

支那大鵬鯤和南敬書

○攝州楠野山了福寺鐘銘

攝州河邊郡昆陽莊南野村楠野山了福寺梵鐘者宰永甲申年大

坂大賈佐藤五郎兵衛好道奮志投貲使冶工鎔鑄之蓋其邑乃好
道所產之地而牛頭天王鎮座之境也故特崇神威以進至焉爾來
歷十歲已生鬻鄰殆就破毀其嗣子高里更制新鐘復奉獻之以繼
先人之志請予誌之因系以銘曰

蕭然道場 萬籟斯滅 神臨鄉擁 人入境潔 蒲牢一聲
十方通徹 遺魔迎聖 維德凜冽 穗積以貫撰

○攝州嶋上郡祥雲山慶瑞禪寺鐘銘

昔日龍祖 劈破天荒 玄兔呈瑞 家鳳顯祥 因緣輻湊
遂成寶坊 宏偉壯麗 雄據攝陽 獨無鯨龍 以醒夢場
合會檀度 其志亦良 赤金新範 簾之華梁 曉昏考擊

音韻鏗鏘 呼風吼月 聲震十方 凡俾聞者 脫落塵韁
豁開惠日 盡證圓常 托斯勝利 聖代無疆 祇樹增茂
檀門愈昌

寶永三年丙戌三月二十日

當山第三代永泰道真撰

古銅已破 新範此成 鯨魚如吼 蒲牢似鳴 劍輪頓斷
苦海忽澄 寒空霜落 長夜風清 万壑聲動 幽窻夢驚
迷路雲闢 覺夫月明 宗規孜孜 法樂鏗鏗 因傳不朽
果證無生

安永丁酉春三月望

當山第十世釋淨悟謹誌

○攝州大坂真證山光禪寺鐘銘

攝州大坂真證山光禪寺者始在播州飾磨郡蓋別所氏某為追福
家臣戰死者所創也先是其臣上杉春行有故與弟祐行致仕剝落
春行法諱了行去適因州別所氏乃召了行居之為開基矣了行既
逝祐行嗣住了行之子了觀從之天正中播攝兵燹寺亦不能以獨
存祐行舍而去之避于石州觀則自泉州之紀州謁本願頭如教如
兩僧正于鷲森受命再建寺焉當僧正遷駕泉州貝冢觀往從之既
而觀逝了誓嗣任焉誓又以元和九年癸亥徙寺于攝州大坂從其
似續十一傳至於現住權律師了說云說住有年繕修略備特關息
鐘於是化斂檀度命冶工平安藤國次鑄巨鐘成時安永丁酉之秋
也因叙其事使來謁銘為之銘曰

十處覺聞 一音所徹 慈愍聲久 特留道滅 如彼金口

震廣長舌 妙應難思 惱輕苦較 是惟教體 已說今說

爾眾子來 大成因缺

安永六年丁酉九月二十八日

正二位 行前推大納言 菅原朝臣綱忠撰

從四位下行右近衛權少將源 朝臣家具書

○攝州平等山中勝寺鐘銘

津州鬼原郡蘆屋海濱灘邑有一精藍山名平等寺名中勝自開祖至今十有四世現住沙門徃譽和尚合眾檀力新造梵鐘其志尤勤矣因予之方外之友大忍梵師而乞銘於予銘曰

鬼氏功了 華鯨新成 茲簾茲擊 殷殷厥聲 清曉霜冷

黃昏雷轟 莊嚴三寶 驚覺群萌 天龍擁護 海鄉乃寧

安永七年歲次戊戌夏五月日

淡海前文學 伏水龍公美子玉謹撰

○泉州和泉郡信太山蔭涼寺鐘銘

室鐘新鑄得完全 高桂層樓幾百年

一擊妙音三界外 人天何處打安眠

延宝元癸丑天六月吉旦 當山開山鉄心稿

扶桑鐘銘集卷之三終

附錄引

鐘銘集五畿內部三卷鏤版訖焉後又有所
 得之鐘銘二十餘首余謂可收續編也偶訪
 深草瑞光寺見元政上人所輯之鐘銘集其
 中有余之未視者十數首因又謂浮生如槿
 馳景似駟豈期續編乎今雖全部刻成盍刊
 而屬于卷後耶於是乎迹者所得之銘都合
 四十餘首哀為一卷附錄於左云

扶來鐘銘集卷之四

附錄目錄

山城國

知恩教院

六波羅寺

四條道場

安養寺

誓願寺

矢田寺

本能寺

本誓寺

草堂

本禪寺

知恩寺

西恩寺

妙覺寺

報恩寺

悲田院

本隆寺

淨福寺

華光寺

大通寺

西光寺

雲母寺

瑞光寺

安祥寺

三室戶寺

愛宕山 心王院 西壽寺

靈源寺 法華寺 真經寺

興隆寺 法菩提寺 來迎院

光明寺

大和國 二月堂 善光院

河內國 布忍寺

和泉國 卜菴 真光寺

攝津國 妙國寺 佛母寺

追加目錄 行願寺 妙覺寺 吉祥院 醍醐山

金色院 笠置山 金龍寺

扶桑鐘銘集卷之四 畿内部附錄

平安 岡崎信好師古 編輯

○洛陽東山知恩院鐘銘

于時寬永十三丙子曆九月十五日

洛陽東山知恩教院大谷寺住

檀蓮社靈巖雄譽松風 鐘鑄奉行清譽西巖淨徹

冷工三条釜座

和田出雲掾藤原國久 近藤丹波目藤原藤久

近藤因幡目藤原信安 辻 伊豆目藤原直次

近藤美作目藤原宗次 和田信濃掾藤原國次

情大工 近藤美作少掾入道宗味藤原宗久

岡本甲斐少掾入道淨故藤原國富

銘彫 後藤七郎左衛門尉藤原忠滿

○六波羅密寺鐘銘

夫洛陽東麓六波羅密寺者六度万行之道場也本尊十一面觀音
靈像令濁世群類滿現世安穩後生善處之願樂者也爰大檀越井
伊前侍從直政公法名泰安居士之孝子等高築高閣疑昇兜率宮
新鑄華鯨覺現鹿野苑之勲力也無常說法聲覺生死長夜夢梵音
深妙響驚無明昏迷眠矣願以此功德令彼亡魂到華藏世界樂邦
而已乃至法界平等普利伏希億万年至祝至禱

元和癸亥仲春如意珠日

法印權大僧都尊惠

○四條道場金蓮寺鐘銘

夫洪鐘者六時之進速誦經之前後齋粥之早晚偕以警衆之器也
其德也晨則破煩惱之夢昏則凝菩提之心加旃吐王免劍輪之責
李主脫縲械之罪實鳴鐘之利益大而不可思議也粵雒陽四條錦
綾山太平興國金蓮寺之梵鐘曩年鎔鑄之備晨昏也尚矣雖然律
不中宮商有不平之聲故信心之檀越欲新鑄而為當寺後世之重
器因而屯金銀銅鍍及鉛錫而使治工鑄之鑪鑪時奮鎔範已設不
日而浮鐘新成挂著高樓於是蒲牢之曉聲上徹梵天花鯨之暮響
下震黃泉其聲廣長中黃鐘之律使聞者耳根清淨也然則檀越修

善之功不亦恢乎乃至息鐘之餘響施及法界聲塵之利益普度群生遂為之銘銘曰

聲調響辭 音律通空 梵風惠物 法水清驚

帝都日樂 遠鄙方豐 精舍運水 化益力洪

延室四丙辰七月佛歡喜日 住持淨阿慈觀

○安養寺鐘銘

鐘之為器 中虛外圓 形質剛正 筍簾以懸 載考載擊

響徹大千 如佛住世 說法熾然 通心其口 一音能宣

感動龍鬼 警發人天 返聞自性 此聞始全 弥陀垂影

淨土現前 黃金變地 脚下生蓮 風清月白 水麗山輝

願心侶海 我道万年

寬文十年龍集庚戌初冬望日 前往當寺龍空雙壽閑謹誌

○誓願寺鐘銘

當來之世 我以慈悲 特留此經 止住百歲

其有衆生 聞斯聲者 隨意所願 皆可得度

寺院堅固 師檀和與 令法久住 二世安樂

慶長十二年丁未卯月十二日 誓願寺中興開山譽公

○矢田寺鐘銘

奉鑄綾小路矢田寺

可向弥明定

鑄師大工藤井國次

大勸進沙門淨忍 願主戒本妙心

勸進聖良恩 作銘藤原為貞 執筆僧懷實

一聽鐘聲 當願衆生 斷三界苦 頓證菩提

應安五年壬子六月廿日

○木能寺鐘銘

每自作是念 以何令衆生 得入無上道 速成就佛心

正保四丁卯歲五月十三日

○專修寺門葉本誓寺鐘銘

欽惟仁王法王互顯而開佛真諦俗諦通因而弘教仍天下和順日月清明風雨以時災厲不起國豐民安矣所以精舍盈于國土佛法

溢于四海爰釋惠隆尊信堯惠大僧正之高命卽創當寺雖然未成捷推既入寂矣師生平遺誡曰鐘量不過三尺同聽之檀越當師三迴諱銘鑄洪鐘以寄於此院銘曰

洛陽本誓 念佛道場 洪鐘施化 功德無量

響通遠近 律中宮商 所聞群類 同歸西友

美應三甲午歲林鐘嘉辰 法橋惠雲謹書

○葦堂行願寺鐘銘

洛陽行願寺者寬弘年中行圓法師之所卽建也圓嘗得異木干賀茂神祠側手刻千手大悲之像而安之以圓頭戴宝冠身被華服都下呼曰葦堂上人又呼寺為葦堂凡關以西安大悲像之道場每州為

不少就中俗稱西國巡禮觀音者三十三所而華堂其一也至今
百有餘歲雖世逼澆季而威風不減于古可謂靈矣于先有鐘未盡
美既而破裂於是住持僧賢純自客歲孟陬之比每日徇諸四來之
衆以乞銅鉄之資遂雇陶師命火官棄擲諸珍而埏埴以為器矣衆
之則神龜盤盤焉簾之則蒲牢鏗鏗然願輪之所推成不亦夥乎頃
賢純特來請予銘予不文辭而不聽仍為之銘曰

忍土佛事 音輪最洪 維斯法器 鎔盡頑銅 協律應呂
導旨披擊 華鯨噴浪 金獅吼風 聲振地界 響徹天宮
摧厲賓劍 脫唐主籠 百福翔集 千殃乍空 所輯願力
仰祈聖躬 彼三代樂 在九重東 佛法王法 一音道通

貞享改元龍集甲子林鐘且

洛北興聖寺住持禪師沙門石拂道雲誌

○本禪寺

法安寺鐘 此鐘今在子茲

南瞻浮州大日本國攝州關郡生玉大明神者本地醫王如來也佛
宇神社之荒廢雖歷于幾世無修造一字之施主伏以可謂億兆之
君師正二位右大臣豐臣朝臣秀賴公欲企營締之志厚而乃命片
桐東市正且元且元謹奉鈞命始于孟春終于季秋其莊觀也朱甍
金棟輪囷盡美矣鳧鐘之設亦復速成就也誠時至哉矣明神之擁
護與聖主之至德恰如合符節相若之左右逢源此功德焉仰瞻

末代耳鐘銘曰

築再興地	開百福田	鍛冶爐鞴	造建臺觀	蘭若高聳
蒲牢新懸	百八杵數	三世機緣	琉璃殿上	水精簾前
鯨吼巨海	龍躍深淵	上通兜率	下資黃泉	姑蘇城外
遠到客船	長樂宮裡	常濕御筵	五畿七道	千歲万年
撫育民戶	祝延皇天			

慶長十一年丙午黃鐘吉日

釋門比丘雲叔叟玄龍謹書

朝聞聲者覺生死夢夕聞響人警無常進晝夜六時時時皆無不
 持菩提之善因然元和乙卯仲夏逆亂強俗奪把之已來造次無
 特顛沛無鳴噫此梵鐘似功德永斷故雖無自半錢貯投一鉢資

得之納洛陽本禪精舍伏乞者及遠近聲處等欲令聞者自然
 種本門壽量妙法速成就佛道而已經曰

每自作是念 以我令衆生 得入無上道 速成就佛身

元和元歲次乙卯林鐘吉辰 任持勸持院日求敬白

○百萬遍知恩寺鐘銘

夫梵鐘者此安養寶樓莊嚴無量諸夫技樂也銘曰

洪鐘出頭是何物 本源一音震天地

忽集乳壘百千般 六字稱名咲吟吟

梵鐘知雷震 八音暢妙響 人天受福樂 三塗出生死

慶安辛卯十月十五日

曉蓮社滿靈光譽自心六十歲銘

○上京西園寺鐘銘

音聲之中 最為第一

慶長十九年辛寅時正吉日

住持沙門官蓮社天譽

○妙覺寺鐘銘

夫此洪鐘者以都鄙真俗奉加所令成就也樓鐘鴻福三國之傳記
 所載其功莫大也乃昔檀主發菩提心棄於國位求妙法持偈曰
 推鐘告四方 誰有大法者 若以我解說 身當為奴僕
 時有_二私仙_一 來白於大主 我有之妙法 世間所希有
 故以大國主 勤求獲此法 遂致得成佛
 梵鐘行於世其來尚哉銘曰

蒲牢一聲	賢聖喜集	魔軍颯颯	懷愁遠去	梵鐘一響
十方群生	聞即離苦	頓得解脫	梵鯤一響	覺悟有情
生死長夜	豁然大朗	冀依此功	奉加貴賤	二世安樂
四海泰平	國土豐饒	門徒繁榮	讚仰增進	萬歲千秋
諸人快樂	南無歸命	一切三寶	諸天善神	

寬永四年十月吉日

勸進比丘備前國乘蓮寺感應院日陽

○堯夫山報恩寺

丹波國別院西縣鐘此鐘今存于茲

康永二年歲次癸卯二月二日

大工沙弥西運

○安居院大官悲由院鐘銘

願聞鐘聲，獲大利益，亡者離苦，存者得樂，
衆病除愈，憂惱止息，遠近群萌，解脫纏縛，

正應六年癸巳二月三日

光明遍照 十方世界 念佛衆生 攝取不捨

大勸進 沙門圓證 鑄物師木工橘則正

大施主 沙彌行圓 沙彌慈願 沙弥西信

清原國真 四百七十一人

○ 二

能州富來八幡宮鐘銘 此鐘今在干茲

諸行無常 是生滅法 生滅滅已 寂滅為樂

奉寄進大鐘一口 本願種那松葉肥前守藤原朝臣忠久

元龜三年壬申三月吉日 能州富來八幡山光旭代

○ 淨福寺鐘銘

佛閣洪鐘新鑄成 蒲罕形躰太分明

森羅万象耳功德 遠近醒眠百八聲

天下和順 日月清明 風雨以時 災厲不起

寬永五著雍執徐稔桃浪二十八日 應蓮社顯譽魯道

○ 蓮金山華光寺

愛宕護山別院丹州岩邊寺鐘 此鐘今在干茲

正應元年十月十八日鑄 大土橘則弘

灌頂光真言以下有十四梵字 咒願打始沙門信鑠

○六孫王大通寺鐘銘

清和皇胤 源家祖神 城南廟貌 紫氣輪囷 星紀幹轉
窪隆因脩 昌運方熟 素願既伸 惟時惟世 至德至仁
興廢繼絕 寧邦集民 鈞命茲降 祠宇一新 佛屋齊構
祇林益葦 革鑄梵鐘 聲徹坤垠 警昏策怠 于夕於晨
聖應影隨 萬祥響臻 圓通大啓 鳴幾億春

元祿第十四龍次辛巳十一月穀旦

万祥山大通寺沙門義洞欽識

○西光寺鐘銘

高泉

山州大悲山有西光教寺者昔高行僧空也上人藏真之地久而寺
廢鞠為荆莽之場頃復新之先是寺有大悲像乃上人為朱雀

天皇聖后保安所造內有手墨存焉天和三有土橋氏之女敬施
銅鐘以利幽頭住持高譽愚公來謁銘銘曰

大悲之阜 有古琳宮 號曰西光 淨業之宗 久而頽毀
頃復興崇 有女傾信 願施洪鐘 以考以擊 以警冥蒙
藉斯勝利 上贊堯風 吾知厥德 終古弗窮

○雲母寺鐘銘

奉鑄造洪鐘一口 比叡山西麓雲母寺者中道法性之靈窟明王
遊履之梵刹也雖然久無鐘虞之設徒厥晨昏之戒於茲小僧慕繼

絕興廢之業鑄新鐘而以挂寶樓賁明王靈威備得脫資糧仰願鐘
聲震遠近利物及朝野而已

元和九年癸亥三月吉日

盛音敬白

○溪州山瑞光寺鐘銘

法器新挂 聲徹八紘 鯨音一震 普拯群萌 應響催信
觸耳感情 艸山幽境 寤夢頓醒 梵音報曉 瑞光轉明
佛日永照 闔國安樂 艸山瑞光寺第八葉日祐謹識

○山科安祥寺

攝州渡邊安曇寺鐘銘

此鐘今在子茲

攝州渡邊安曇寺洪鐘

右為驚覺三世諸佛濟度一切衆生以諸

人之助成作一口之洪鐘為一寺之重寶永傳萬代之不朽而已
嘉元三年歲次丙午正月廿六日

勸進法橋上人位示昭

鑄師河州丹南治部入道淨佛

○三室戶寺鐘銘

山城州宇治郡明星山御室戶寺世稱觀音大士利生靈場也在昔
光仁天皇御宇勅始建立其為勝境朝日輝前醍醐擁後真木嶋喜
撰岳手習岩淵浮舟明星左顧右盼偉蹤奇跡阿誰不仰之
長和聖主繼管華堂賜以膏腴田寬治聖主命侍僧園城寺大僧
正隆明任持始號三室戶寺時移物換不知幾炎涼香花未斷堂宇
猶存我門下若王寺前大僧正澄存嘗任此寺存弟子伽耶院主權

少僧都法眼澄榮今依其遺誠衆皆患無鐘榮來謀於我我乃命榮勸進十方諸檀銅鉸鍊鉢鑄以為鐘就求之銘不得已至此

地獄天堂嚴有名 菩提煩惱本同生

邯鄲道士漂流客 腸斷樓頭一兩聲

永應二年二月二十八日 治土洛陽任飯田藤原宗三

長等山圓城寺長吏二品道晃親王記

銘彫後藤正乘弟子中村勝左衛門藤原秀正

○朝日山白雲寺鐘銘

山城國葛野郡愛宕山太權現

諸行無常 是生滅法 生滅滅已 寂滅為樂

十方檀那 諸願成就 法界衆生 平等利益

大檀越贈正一位太政大臣家光公

慶安五壬辰三月如意日

權大僧都幸海 同宿陳 同昌海

同 幸和 同豪雄 大工藤原重次

○西山植尾寺平等心主院鐘銘

願諸賢聖 同入道場 願諸惡趣 俱時離苦

寬永十四曆丁丑臘月下旬

○泉谷山西壽寺鐘銘

願心為模 嚶施為工 花鯨既就 妙音何窮

應叩即鳴，隨聽得功，三有脫苦，六趣警夢。

貞享二年乙丑二月廿日 西壽寺實譽會舍

○清涼山靈源寺鐘銘

雄哉善逝	無緣慈悲	規矩像末	臂吒捷槌	衆生大尊
黃緣覺知	鴻器新就	茲開供基	龍質炳發	虎形躡路
鏗尔徹曉	隱乎警時	啓發禪那	莊嚴毘尼	廣介景福
以薦古先	上達三界	下而九泉	鉄牀輟苦	湯鑊解懸
体真体妄	二俱泯然	願諸賢聖	及以奄夫	護持正法
窮劫永傳	十方諦聽	功德無邊		

延寶五年歲次丁巳閏十二月上澣

傳天台宗教僧正法印大和尚位堯憲撰

○愛宕郡大將軍村妙喜山法華寺鐘銘

聲和六律，響至三禪，驚煩惱夢，覺障滌眠，
魔外退散，佛法流傳，靈異難計，功德無邊

寬永十九夫三月十八日 乾性院日進謹誌

○雞冠井真經寺談林半鐘銘

誓首礼三寶，奉備鐘一箇，梵音董修識，群衆起道芽，
漸漸積功德，自他到彼岸，水遠山廣矣，天長地久耳

万治元戊戌歲十月十八日 通明院日祥銘

○乙訓郡勝中山興隆寺鐘銘

奇哉頑器 吐雷吞風 裏裏侵曉 殷殷為宗

下入奈落 上震梵宮 法燈煥乎 傳至于東

千方億劫 遠而倍隆 天悠地久 惟茲銅鐘

延寶六年戊午三月四日 興隆寺第四世住持比立日球識

○乙訓郡寺戶村法菩提寺

伯州大山寺稻荷大明神前鐘此鐘今在寺茲

奉施入伯州相見之郡大山寺下山稻荷大明神御前槌鐘之事
風聞洪鐘功德者內典外籍供讚之凡夫賢聖同崇之佛神莊嚴靈
場之規模也所以鎮護國家之祈禱滅罪生善之指南有情得脫之
直回證得菩提之正路都無過洪鐘之功德晨昏發響無常日日敬

近五更醒眠識壽筭之夜夜在雲上天眾五衰之夢休一聲響浪下
龍神三熟苦息半時鐘

右大檀越藤原真人吉川藏人廣家朝臣于時四品拾遺豐臣朝臣
奉加錢拾貫文為悲母春林妙壺禪定尼十二回忌孝子佐佐木派
兵衛尉春芳入瑜伽近事男兼孝居士

天正十九年辛卯五月吉日 下願常陸國住內山第十坊

○西岡來迎院

佐州羽茂郡常樂院鐘銘此鐘今在寺茲

奉鑄造梵鐘 大日本國佐州羽茂郡常樂院常住
諸行無常 是生滅法 生滅滅已 寂滅已樂

經曰 器世間中有十七 清淨量性形種種

色觸三種水地空 雨妙妙聲主眷屬

祝曰 皇風永扇 帝道遐昌 天長地久 國土安全

弘長壬戌林鐘日 台大土藤原某

○粟生光明寺鐘銘

願此鐘聲報法界 鉄圍幽暗悉皆聞

聞塵清淨證圓通 一切衆生成正覺

聞鐘聲 煩惱輕 離地獄 出火坑

菩提長 智慧生 願成佛 度衆生

明曆三年丁酉仲夏十二日

報國山光明寺三十二世 賜紫沙門倍山

○南都二月堂鐘銘

和州南京東大寺之羅索院者初良辨僧正之後實忠和尚天平勝
寶三年之冬神遊於兜卒夫之後攝之難波津而得十一面大悲銅
像安置之梵宇也而每歲二月朔日對銅像修兜卒軌者二十七日始
天平勝寶四年至大同四年五十八載未嘗有缺俗呼其法稱修二
月法且院名二月堂也然後九百餘紀末徒相兼不墜先緒期至修
練者豐豐不懈矣蓋其遺風餘烈弥久煥者所以是忠之德業輝古
騰今也竊惟夫物之固於化也成壞之勢常相因而遞代彰者不諭
可知矣往載寬文丁未春二月不虞罹霽攸之變堂宇忽灰燼鳴鐘

亦銷鑠矣。唯有觀音尊像。聖武皇帝宸毫之華嚴經。光明皇
 后親書之涅槃經及牛王印板。不為祝融所奪。猗漢廷西壇和州東
 寺雖世殊國異。而其妙應靈感。如合符節。孰不敬嘆乎。既而寺衆
 等以興復之故。啓于征夷大將軍源家綱公公者。素外專仁政。內
 歸佛乘之君子也。凡天下寺社百廢俱舉。蔑有越於當時。故不待再
 請。即許諾重降鈞旨。日模道場舊製。則高廣奇莊嚴飾光麗也。豈能
 一旦闕其功乎。可假構小宇。暫遷靈像。以行每歲法會。衆皆大歡矣。
 粵有淨檀主撰冶土。善於範圍者。新鑄洪鐘。以備於其法事。伏願憑
 此善利。近得天桃灼華之時。而子葉孫枝轉繁茂。遠羨三寶加被之
 力。而佛果菩提速圓成矣。乃令沙門紹圓為之銘。銘曰。

此方教躰	音聞最宜	而鐘為用	傳令遠馳	上震衆萃
下徹泥黎	聲不彼徃	耳不此來	幽明鬼畜	罔弗蒙禱
妙應靈感	豈易思惟	旋聞聞性	性空聞離	性聞兩寂
寂亦寂口	圓通三昧	其唯如斯	佛日揚耀	帝基緝熙
三槐內務	大樹外治	風調雨順	國豐民綏	庶幾繫鐘
永莫泯時	施者福因	竟無盡期		

寬文八年戊申孟春穀旦 願主岡本三郎右衛門重當

再任妙心禪寺湛月叟紹圓誌

○和州添上郡降魔山善光教院鐘銘

無量壽覺 慈願太醇 攝取光耀 不捨罪倫 牟尼調御

大恩巨伸 發遣教綱 徧救迷津 道其濟度 德過方論
空師弘布 功重萬鈞 今汲淨水 新見鯨輪 三五更曉
百八聲頌 恒覺虛夢 鎮消妄塵 四趣脫苦 人天契真
寺院榮莊 檀越善循 法運長久 天下平均

○河內國布忍寺鐘銘

河內國布忍寺奉懸鐘 右奉懸意趣者為伴五子往生極樂者也
元曆元年甲午十二月十八日 孝子等

沙弥願西 伴時貞 平國友

平盛澄 菅野姊子 平姊子

別當僧聖舜 東太寺鑄物師州部信明

○和泉國貝塚上卷

和州大福寺鐘銘 此鐘今在干龜

大和國廣瀨郡箸尾鄉大福寺推鐘也

貞應三年甲申二月日 願主圓向弥陀佛

○泉州日根郡嘉祥寺浦真光寺鐘銘

夫景鐘者化城警衆之法器也使群衆到彼岸之勝緣也故弘法之
基趾粵欲造營既宿念發之于時為同性同心而助力故巍巍精舍
為不日成就也於是同苗猶投資財以遂大鐘鑄冶而補靈場之莊
嚴也銘曰

鴻韻瀏亮 應律以鳴 凡衆知戒 幻夢忽驚

延元丙子二月二十五日

光明山法泉院嘉祥寺源秀法印拜撰

○攝泉之堺廣普山妙國寺鐘銘

厥當山者古伽藍磨玉鳧鐘鑄金中虎豹逆徒侵國界豺狼暴臣毀佛宇下此時也寺塔羅鬱攸之變已為烏有矣仄聞智池全土所浴誣鐘苦類所息肆予也欲鑄花鯨以告寅寅伸志願於四維索達觀於八荒幸逐化矣自東自西加於金銀振北振南添於銅錫繇茲冶工話思鎔範巧設洪鐘新成矣凡鍵槌一推一斝之衆雲集霜鐘三振四生之苦冰解依之屬危免刀輪獄卒休鑊湯長眠聞之而驚覺永夜因之而忽曉諸夫所以駢填三寶所以輪湊實相之標道場之

主莫先於焉妙用無謀巨勝計矣伏冀同志緇素轉禍為福之歡
傳于萬歲與力甲乙斷迷開悟之化益周于三世而已銘曰

蒲牢妙用 經処亦然 傍生巨海 那落深淵 擊得三點

開解十纏 殷殷震地 鏗鏗響天 魘魅駛去 魔外速蠲

佛神護念 賢聖哀憐 所庶幾者 寺門安全 法燈久照

戒香永扇 聖主不替 於育八埏 逸韻無盡 不識幾年

寬永十四大歲丁丑三月吉日

願主中山中興十三世當寺六祖日健書

○攝州摩耶山佛母寺鐘銘

佛日臨筵 光耀大千 圓音一振 萬籟齊宣 信感成象

有開必先ノ 韻生梵ノ □鼓柳ノ 威儀後肅 畢集人夫
居恒虛ノ 康質實堅 鬼獄沉趣 喚醒起遷 中興法語
器於斯傳ノ

寬文十年歲次庚戌正月吉日 化主道峻了極

臨濟正傳三十三世當山第十代任持惠林機題

扶桑鐘銘集卷之四木尾

東海道部 東山道部 北陸道部 山陰道部
山陽道部 南海道部 西海道部 續編拾遺
右嗣刻

追加

○洛陽行願寺鐘銘

正應二年己丑十一月八日癸丑鑄之 施主沙弥等

奉行法眼和尚位嚴于 結緣道俗三千餘人

別當權律師法譚上人位法燈 鑄物師橋則弘

權別當阿闍梨傳燈法師位經壽 土師藤原則吉

○妙覺寺鐘銘

平安城高过大宮法華堂名妙覺寺本尊南無妙法蓮華經多寶釋迦

右天長地久國土安穩諸檀施主息災延命恆受快樂乃至法界衆

主平等利益 奉寄進 大願主沙弥妙善

應永第八曆大歲辛巳閏正月 作銘大施主 法賀 妙造

○北白川天滿宮鐘銘 此鐘今在於吉祥院

洛陽東山北白川天滿宮之鐘 於但馬國城崎郡鑄之

享祿二年己丑歲七月七日 本願壽音寸數為妙祐禪尼也

○醍醐山鐘銘 在於喜多院守覺御記

曉驚雪卯之老眠 夕役日没之梵行

延喜帝御製 同御宸筆也

○宇治白山金色院鐘銘

建武二年乙亥二月卅日

○笠置山般若臺鐘銘

新鑄華鐘 遠報梵音 願念衆生 發菩提心

建久七年丙辰八月十五日 大和尚南無阿彌陀佛

○金龍寺鐘銘

長亨二年戊申季春二十日

從一位富子誌之

扶桑鐘銘集卷之四追加大終

日本橋通二町目

山城屋佐兵衛

心齋橋通南久宝寺町

河内屋八兵衛

江戸書林

浪花書林

安永七年戊戌十月

岡崎盧門先生著述編輯校閱書籍目錄于左

廬門先生集	麗澤詩集	古今銘彙	詩學道標	詩林碎玉
唐詠物詩選	李頎詩集	古今讚彙	詩學摘要	詩苑採芳
唐詩貫珠選	唐詩聯材	古今諺彙	詩學大觀	詩語筌蹄
唐詩熟字格	唐詩韻譜	史籍論叢	唐明詩格	連字解
中夏俗語藪	題畫詩選	九流緒論	日本詩格	闡提錄
扶桑鐘銘集	句題詩選	諸子要覽	日本詩綜	投壺新譜
扶桑碑銘集	名詩類選	諸子小志	日本詩礎	勝地詩帖
儲光羲詩集	龍詩類選	小學絳珠	明朝樂譜	醫祖廟碑
本朝律詩選	異體詩選	左國紀要	書學道標	兩韻便覽
本朝絕句選	文法捷覽	史漢紀要	尺牘道標	字画正誤
詩工推鑿	詩語發	詩鏡	平安風雅	詩學字苑

津逮堂藏版

京都市三條通御幸町角

吉野屋 大谷仁兵衛

[Illegible text]



[Illegible text]